



UNIVERSITÄTS-  
BIBLIOTHEK  
PADERBORN

# **Vita Et Doctrina Jesu Christi**

**Avancini, Niccolò**

**Coloniae Agrippinae, 1689**

Hebdomada XX. Post Pentecost.

---

[urn:nbn:de:hbz:466:1-59970](https://nbn-resolving.org/urn:nbn:de:hbz:466:1-59970)

Una passio fomes est alterius, *Dixit ergo eis (ministri) Jesus: Adhuc modicum tempus vobiscum sum. Quæretis me, & non invenietis. Infelix ego, non audiam illud: Vado! Non audiam: non invenietis! Quæram te Jesu, donec inveniam, & tenebo.*

2. *In novissimo autem die magno festivitatis stabat Jesus, & clamabat: Si quis sitit, veniat ad me, & bibat. Ibid. Quod dictum populo, tibi dici crede. Sitis salutem tuam, quia nemo est sine desiderio. Sed sitis aquas turbidas solationum mundi. Quæ hîc beatitudo? Siti, quod sitire debes, salutem tuam, & Deum. Audi invitantem: Veni & bibe ad satietatem, quam in solo Deo reperies: nunquam extra ipsum Quid sitivisti hæcenus? esne satiatus? O miser!*

3. *Quidam ex ipsis volebant apprehendere eum. Ib. Non ignorabat, qua intentione venirent: prosequitur tamē sermonē interritus. Unde mutata sunt eorū corda, & nemo misit in eum manus. Ita constantiæ cedunt pericula. Quod ex virtute cepisti, non desere ex metu. Periculum adis: constantia franget.*

**DOMIN. XX. POST PENTEC.**  
**Remittuntur ministri, & Christum laudant.**

1. **V***enerunt ergo ministri ad Pontifices & Phariseos, & dixerunt eis illi: Quare*



*non adduxistis eum?* Joan. 7. Quam vigilant in scelerata sua iussa Pharisei? quam investigant causas propositi sui executioni non mandati! O si tam vigil tu esses in tua proposita sancta! si tam tibi indignareris, quoties non exequeris! Proponere, & non exequi, est esurire, & non manducare. Non satis est velle, nisi accedat & operari.

2. *Responderunt ministri: nunquam sic locutus est homo, sicut hic homo.* Ib. Theoph. hic ait: *Nec curaverunt iram Pharisæorum, nec, quia ut servi missi fuerant, quæ placita erant, Principibus dixerunt.* Profitentur se captos sermonibus ejus, quem comprehendere debuissent. Laudant eum apud illos, qui eum oppressum volebant. In causa Dei laudabilis est libertas. Hac utere in te primùm; in alios uti licet, maximè ubi debes. Non loquere quæ placita, sed quæ salubria.

3. *Responderunt ergo eis Pharisæi: Nunquid & vos seducti estis?* Ibid. Cùm dixissent ministri: *nunquam sic locutus est homo: Interrogare oportuisset, ait Euthym. quid locutus esset; sed ipsi ad increpationes convertuntur.* Ira & invidia eos excecaverat. Ubi dominatur passio, deturbatur solio ratio. Subjungunt argumentum ab auctoritate: *Nunquid ex principibus aliquis credidit in eum? quasi dicant; Nullus: sed turba hac tantum.* Ita Deus abscondit à sapientibus divina mysteria.

na, & revelat ea parvulis, & humilibus, esto humilis, si divina vis sapere. Denique *maledicti sunt*, inquit, nempe qui credunt. O utinam à superbis sic maledicatur; non ab humili Jesu!

F E R I A II.

Mulier in adulterio deprehensa liberatur.

1. **A**dducunt Scribae & Pharisei mulierem in adulterio deprehensam, & dixerunt: In lege Moysis mandavit nobis hujusmodi lapidare. Tu ergo quid dicis? Hoc autem dicebant tentantes eum, ut possint eum accusare.

Joan 8 Sciebant mitem: credebant contra legem pronuntiaturum: Jesus autem inclinans se deorsum. Declinat ferre iudicium, qui omnia novit; & tu, qui ignoras omnia, tam es facilis ad formanda iudicia. Digito scribebat in terra. Ut facilem se ad veniam ostendat. Ut ventus & aqua literas in pulvere scriptas confundunt; sic lachrymæ & suspiria delent peccata nostra, quæ in terra scribuntur.

2. Cum ergo perseverarent interrogantes eum, erexit se, & dixit eis: Qui sine peccato est vestrum, primus in illam lapidem mittat. Pluribus tentatus nec absolvit eam leges observans, nec condemnat misericors, qui venit non perdere, quod in venerat. sed qua-

*rere quod perierat* Injicit iudicio & lingua ad iudicandum alios pronæ frænum, ut cogites ipse, an sis sine peccato. Vel ergo debes esse sine culpa, ut iudices; vel non debes iudicare, si non es sine culpa.

3. *Audientes autem hac, unus post unum exhibant.* Ibid. Quia, ut ait Beda, *in se cernere cœperunt singuli, quod magis damnandum cognoscerent.* Si te inspicias, horrebis tuam dissimulabis aliena delicta. *Et remansit solus Jesus, & mulier in medio stans confusa, & contrita, spe veniæ plena.* Erigens autem se Jesus ad videndum eam oculis misericordiæ, dixit ei, *Mulier nemo te condemnavit, quæ dixit, nemo Domine: Dixit autem Jesus, nec ego te condemnabo.* Retudit Jesus adversarios, ut patronus; absolvit ut clemens Iudex. Quid non speres à clementia ipsa? modo id observes: *Noli amplius peccare.*

### F E R I A III.

#### Christus in templo docens.

1. **E**go sum lux mundi. Joan 8. Lux est in mentibus hominum, circa bonum & malum, verum & falsum, virtutes & vitia: si ne qua palpas in meridie. & non diriges vias tuas. Deut. 28. *Posui tenebras in anima mea, & facta est nox: in ipsa pertranseunt bisulvestres.* Psal. 103. *O si oriatur lux, quæ de-*

regat meipsum mihi! *Qui sequitur me, non ambulat in tenebris* Ergo à contrario, qui te non sequitur, ambulat in tenebris. Jam scio, unde tenebræ mentis meæ ad divina: quia te, lux mea, non sum secutus: quia eo vixi modo, quem verbo damnas & exemplo: qui cum cognovissem te Deum, non sicut Deum glorificavi.

1. Dicebant ei: *Vbi est Pater tuus?* Respondit Jesus: *Neque me scitis, neque Patrem meum* Ibid. Nonne Joan. 5. dixerat: *Et me scitis, & unde sim scitis* Sed sciebant speculativa scientia, non practica eorum, quæ ad mores nostros pertinent: quia aliter operabantur, quàm ille operandum verbo & exemplo docuerit. Nonne & tibi objicere potest: *Non nosti me, neque Patrem meum* Si negas, convincam te. Christus laxiorem viam damnavit, tu eam sequeris, &c Estne hoc nosse Deum? *Qui dicit se nosse eum, & mandata ejus, doctrinam & exempla non custodit mendax est* 1. Joan.

3. Dixit ergo iterum eis Jesus: *Ego vado, & queretis me & in peccato vestro moriemini.* Ibid. Non decretoriè quidem dictum, sed sub conditione: *Si non credideritis.* Quia pauci tamen erant credituri, absolute pronunciat. Tale scilicet erat peccatum, ut vix convertererentur. Et quod illud? *vos de deorsum estis: vos de mundo hoc estis, terrena sapien-*

pica

sapientes & affectantes Non te percellit commendandum hoc verbum ut derelinquas mundi semitas, & non abeas post hæc inferiora, & mundana, ut assurgas ad æterna, & divina?

## F E R I A I V.

Christo docente multi credunt.

1. **H**Æc illo loquente, multi crediderunt in eum. Dicebat ergo Jesus ad eos qui crediderunt ei, Judæos; Si vos manseritis in sermone meo. verè discipuli mei eritis. Joan. 8. Nota boni discipuli est, perfectè possidere doctrinam magistri. Ut scientiam habeas, debes scire te scire. Scisne te scire, quæ Christus docuit. Quomoddò ergo tam turpiter amas? quomoddò errores mundi hujus doctrinæ magistri planè oppositos sequeris? Nondum scis te scire. Ad praxim veniendum est, ut te verum discipulum probes.

2. Responderunt ei: Semen Avrahæ sumus, & nemini servivimus unquam. Respondit eis Jesus: omnis, qui facit peccatum, servus est peccati. Ib. Jactant, quòd non servierint homini; quòd peccato servierint, non astimant. Hæc est servitus quanto suavior, tanto durior. Nemo non volens & libens superatur à concupiscentia sua: à quo autem quis

*superatus est, hujus & servus est. 2. Petr. 2.*  
 Suavis est servitus, quia amatur; dura est,  
 quia quominus mortificas concupiscentiam,  
 hoc magis illa te mortificat. *Solve ergo vin-*  
*cula colli tui, & dic concupiscentiæ tuæ ani-*  
*mo generoso: Non serviam, Jerem. 1.*

3 *Si filij Abrahæ estis opera Abrahæ faci-*  
*te. Ibid.* Monet, ut probent factis, quia sint  
 origine nati. Apud Deum, quis ejus sit fi-  
 lius, non verbis probatur, sed factis. Non  
 enim sunt omnes Christi, qui se dicunt Chri-  
 stianos. Vis ergo te filium Dei probare: fac  
 opera, quæ Deus incarnatus fecit. Tantum  
 ab hoc abes, quantum intervallum est in-  
 ter dicere, & facere

F E R I A V.

Judæi volunt Christum lapidare.

1. **Q**uis ex vobis arguet me de peccato?  
 Ioan. 8. Fidentis hoc conscientia est:  
 sed non tuæ Non satis te defensum pura, si  
 redarguenti dicas: non est ita: nemo mihi id  
 probare potest. Est, qui probabit; qui sta-  
 tuet te contra te, *si veritatem dico vobis per*  
*doctrinam meam, quare non creditis mihi,*  
 qui sum sine dolo, sine peccato? Non decipit  
 te Jesus, & tamen factis doctrinam ejus im-  
 probas *Qui ex Deo est, verba Dei audit No-*  
*ta hæc est filiorum Dei. Sed à te abest, propte-*  
*rea vos non auditis, quia ex Deo non estis.*

D d

Expen-

Expende quomodo audias doctrinam Christi contrariam mundo, quomodo internas inspirationes, & an ex Deo sis, agnosces.

2. Responderunt Iudaei: nonne bene dicimus nos, quia Samaritanus es tu, & demonium habes? Ibid. Quam immanis calumnia! Filius Dei daemoniacus! quam miti verbo retunditur: Ego demonium non habeo. Quo tu sensu ferres? quas diras non refunderes? Ego honorifico Patrem meum: quod daemon non facit. Et vos inhonoratis me calumnia, qui tamen Deus sum. Et hoc facit daemon. Videt cuius spiritus sitis. Ego non quero gloriam meam vindicando me quod gloriae ducitur coram mundo. Et tu vermis, quantum studet gloriae tuae: Time illud: Est qui quarat, & iudicet. qui tibi cum confusione gloriam detrahet, & reponet ei, cui debetur omnis honor & gloria.

3. Dixerunt Iudaei: Quinquaginta annos nondum habes, & Abraham vidisti? Ibid. Quod paulo ante asseveraverat Christus. Dixit Iesus: antequam Abraham fieret, ego sum quia Deus ab aeterno. Tulerunt ergo lapides, ut jaceret in eum. S. Aug. tr. 43. in Joann. Tanta duritia, quod curreret, nisi ad similes, scilicet lapides. Haec agit cor durum, & in sua passione obstinatum. Verba dura in proximum sunt lapides, quibus Deum in illo peccatis, Iesus autem abscondit se, & exiit de templo.

templo  
es duru  
scasign  
C  
1. Iesu  
Et i  
peccavi  
19. in Jo  
judicium  
es. Sed u  
cavit, n  
poris n  
sed ut  
caecitas  
ra Dei  
vidit igr  
lem. Pl  
2 Exp  
to, & l  
in oculi  
do cec  
opposit  
nes cor  
humili  
tuo jud  
Quod

templo. Ita Deum fugias, qui in proximum es durus. Exiuit, ut furori cederet; ut tu discas ignem non fodere.

F E R I A VI.

Curatur cæcus à nativitate.

1. *Iesus vidit hominem cæcum à nativitate. Et interrogaverunt discipuli: Rabbi. quis peccavit? hic, aut parentes eius?* Joan. 9. Rup. l. 9. in Joan *Quarunt temerarium jactantes judicium, in quod & tu facili indicio pronus es. Sed ut isti, plerumque erras. Neq; hic peccavit, neque parentes eius. Mala enim corporis non immittuntur solum ob peccatum; sed ut manifestentur opera Dei. Sed unde cæcitas mea? utinam ut manifestentur opera Dei sic disponentis! sed heu! supercedit ignis concupiscentiæ, & non video solem.* Psam. 57.

2. *Expuit in terram & fecit lutum ex sputo, & lini vit super oculos eius.* Ibid. Lutum in oculis etiam videntem excæcat: quomodo cæcum illuminat Deus quandoque per opposita media operatur mira: per tentationes confirmat, per ariditatem illuminat, per humilitatem exaltat, &c. Ergò abnegato tuo judicio, ejus te providentiæ committe. Quod obesse videtur, convertet in bonum.

D d 2

3. Et

3. *Et dixit ei: Vide, & lava in natatorio Siloë* Ibid. Respondere poterat: hæc virtus non est aquis, sed tibi. Tu iis non eges. Si aliqua opus, cur non vicina? risus ero populo infectus luto. *Nihil tale repetivit*, ait Chrysofost hom. 25. in Joan. *illud duntaxat curavit, ut pareret in omnibus.* Et ecce fructum cœcæ obedientiæ: *abuit lavit, & venit videns.* Ita nunquam sine solatio est executio voluntatis divinæ per superiores intimata.

## S A B B A T H O.

**Illuminatus coram Phariseis veritatem miraculi tuerur.**

1 **V**icini dicebant: *Nonne hic est, qui sedebat, & mendicabat?* Ioan. 9. Alii allegebant, alii negabant. Ille verò dicebat, *quia ego sum.* Quærebāt: *quomodo aperti sunt tibi oculi?* Ait, *Iesus lutum fecit, & unxit oculos meos, & dixit mihi: Vade ad natatorium Siloë, & lava.* Et abiit, & lauit & video. Cui tribuit beneficium: non luto, non aquis, non suæ fidei: sed ei, à quo est omne datum optimum! In hoc solum est omnium bonorum fœaturigo. Si per homines accipis, sunt instrumenta. Illi gratias debes.

2. *Adducunt eum ad Phariseos.* Ibid. *quæruunt iterum quomodo vidisset.* Dicunt cœco: *Tu quid dicis de illo? Vocant parentes pe-*

tunt: *Hic est filius vester, quem vos dicitis, quia cecus natus est?* &c. Quorsum tam longum examen? Ex Dei consilio, ut pateat ad plurimum conversionem miraculum: ex intentione hominum, ut sepeliatur fama Christi, vel ut calumnientur, quod *non custodit Sabbathum*. Quàm gravis est invidio alterius fama? num & tibi proximi gloria?

3. *Vocaverunt iterum hominem*. Ibid. Sub specie religionis urgent: *da gloriam Deo*. Auctoritate sua volunt persuadere, ut contra veritatem edicat: *Nos scimus, quia hic homo peccator est*. Attende defendentis libertatem: *Scimus, quia peccatores Deus non audit*. *Nisi esset hic à Deo, non poterat facere quidquam*. Nondum noverat eum esse Deum, & tanto zelo ejus honorem tuetur. Quid tu agis, qui Deum per fidem nosti? non times auctoritatem. Quàm facilè tu ob respectus humanos desistis à bono, pateris injurias Dei? &c.

DOMIN. XXI. POST PENTEC.

*Illuminatus ejicitur è Synagoga,*

*& à Christo recipitur.*

1. *Et ejecerunt eum foras*, Joan. 9. *Causa* fuit defensio Christi. Sic qui pro virtute, pro Christo stat, non admittitur, vel non gratus est dyscolis; quia non convenit ingenio, non consentit sermonibus, & levita-